

度

支

奏

議

度支奏議目錄

陝西司四卷

覆陝西長淳二縣完解八分考成疏

覆瑞府官軍俸糧不復就近兌支疏

覆瑞府請就近兌支軍糧疏

覆陝西巡按奏繳賑銀疏

覆京營額糧扣存在倉數目疏

覆西安四衛隱佔屯田疏

覆陝西藩封用過錢糧設法抵補疏

覆陝西按臣預陳延慶善後策疏

覆興安州屬水災蠲賑疏

覆甘肅捐贖買糧入倉備荒疏

覆甘肅閱視查出侵浥錢糧疏

覆陝西道臣王振奇條陳兵荒疏

度支奏議卷之四

太子太保戶部尚書淄青畢自嚴視草

覆陝西長淳二縣完解八分考成疏

題爲疲邑地瘠民貧徵輸萬分艱難謹議寬減考  
成之法仰祈

聖鑒事陝西清吏司案呈崇禎五年五月十六日奉  
本部送戶科抄出陝西巡撫總國事會同按臣  
吳世題稱陝省有司之累莫甚於民貧而貧民  
之累莫甚於賦重如長武淳化雖附屬西安然

長武則四境巨壑民無經營織紡可以生聚淳  
化則萬山環列地無平原沃土可以力耕此二  
縣荒疲流離之狀非臣親詣其境未肯信也邇  
者延寇流劫臣移鎮督兵東堵西討路經其地  
見其村落皆敗垣頽壁田畝皆墮磽陁坡男婦  
皆顰面鵠衣目擊心恫轉訝守土者言之不早  
乃至今日岌岌乎不支而尚追呼未已也不亟  
爲拯救則延屬之已事在睂睫矣且長武分自  
邠州當時同一則例淳化壤接三水鄰封共一

城區今邠州三水及各邊界州縣已蒙寬減錢糧俱以七分考成獨此二縣仍以八分徵輸地同糧異使積逋難完殊失其平茲據士民比例控轍自當一視同仁併列上疲旣經該司查議前來相應具題伏乞

勅下戶部再加覆議合無將長武淳化二縣照依邠州三水等處事例改爲上疲錢糧俱以七分考成庶藉寬減之名而安輯殘黎免於敲比其亦補救疲敝之一策乎等因本年五月十三日奉

聖旨戶部酌議具奏欽此欽遵抄出到部送司案呈  
到部該臣等看得

國家之貢賦原有一定之制郡邑之徵輸亦有難  
變之規方今四郊多事帑藏空虛邊陲庚癸可  
虞臣部點金無計則壞成賦似難輕議減者况  
長武淳化二縣額解錢糧非遼左之新餉則各  
邊之民運也新餉從無減削民運定於八分惟  
當率繇舊章可耳如曰長淳二縣接壤邠水地  
界援例請減則該省之州縣與疲邑相連者比

比皆是此後援例而請者恐無虛日矣各邊民  
運必有缺額何以補之且一邑之中地有肥瘠  
不同政不得以隣邑援例也竊謂長淳二縣分  
屬西安比延慶等府州縣爲勝列之次疲減十  
分之原額而以八分考成已徵有厚幸矣豈得  
復萌隴蜀之念凶歲則以無秋籍口豐歲又以  
上疲藉口哉如日時當多事小民困苦是在賢  
有司加意撫循自足拯此一方黎庶又不在曲  
徇士民控籲之辭輒減成賦以市恩也相應覆



請恭候

命下臣部移文該撫按卽將長武淳化二縣額解錢糧照舊以完解八分爲率不得輕聽奸民唱和有虧軍餉庶賦有常額而人絕覲覲矣

崇禎五年六月初一日具

題本月初四日奉

聖旨錢糧俱係正額不得議減但二縣旣稱疲困着地方官多方極恤如有巧營私索致虧公賦者該撫按據實叅處欽此

覆瑞府請就近允支軍糧疏

題爲停糧遠支非

制官軍困極堪憐懇乞

天恩俯准就近支領以活衆命事陝西清吏司案呈  
案查崇禎四年八月內奉本部送戶科抄出

瑞王常浩奏前事內開據本府儀衛司千戶張希  
祖等啓稱伏覩

大明會典欵開凡王府文武官吏俸祿及軍士糧儲  
皆按月支給每月不過初五又令就於王所封

國內府分照依所定期限期支放見今

潞 福 惠 桂四藩遵行無異惟本藩散派陝

西各府以致遠隔二三千不等遲延不接官  
軍困置二年九月內按臣吳煥巡歷漢中官軍  
泣訴前情深加憐憫批行司府縣會議允支奈  
意見不同止將漢興解司銀五千餘兩兌作官  
俸軍糧四個月其餘若 韓 慶二府及西安  
永豐莊浪二倉年例銀萬餘兩俱不准充遂令  
兩相推諉懸望俱空自二年七月至今已歷兩

年自先支四個月外全無給領枵腹難堪菜色日甚懇憐轉爲題

請等因到府臣看得隨封官員俱携有家口居無恆產止藉俸銀以糊朝夕至尉軍每月給銀五錢按時支領尚恐不充兩年絕無將何仰望其艱難困厄之狀省不可以言語形容者官員猶知名義饑軍勢更可虞唯遵

祖制近派漢興庶可及時支領且本藩官俸軍糧每年共計一萬四千四百二十餘兩今已先五千

餘兩所少不及萬金有司果肯悉心斟酌  
甚易如 韓 慶二府年例銀兩臣未就封果  
應遠輸二府臣封漢郡似宜近給臣藩况二府  
取給省城道里甚便臣府遠繇棧道險阻尤難  
是先支漢興既無跋涉之勞亦無遲久之困誠  
上下兩便永遠可行之法懇乞

天語叮嚀

勅下戶部查照 潞 福 惠 桂四藩就近按月  
支給俸糧事例將 韓 慶年例倉糧等銀行

文陝西撫按布政司盡行照例兌支其已前積欠俸糧併祈申飭速解庶府衆安而臣身亦安皇上親親之恩更弘施于無外矣等因崇禎四年八月十六日奉

聖旨覽王奏官軍俸糧兩年未給地方官好生玩肆着該撫按嚴催完解併就近兌支事宜作速詳議酌妥具奏該部知道欽此欽遵抄出到部送司遵卽移咨陝省撫按嚴催完解併就近兌支事宜詳議妥酌具奏去後屢催在案至崇禎五年七

月內該陝西巡撫練國事會同巡按御史吳姓  
回奏前事內稱遵行守巡關南二道及  
韓慶二府各長史司查議去後隨據

韓府長史司申稱奉

令旨本藩係開國舊封止支行糧三千且坐平涼  
疲地極苦難支額設本地錢糧向爲州縣拖負  
貢

上接下止藉興安稻米銀兩

高皇帝不朽洪恩竊聞

瑞藩奏

請爲官軍允支

瑞藩新承

寵眷錢糧浩大較之薄藩

祖封者其親踈遠近肥瘠苦樂不啻天壤矣况官軍  
所食與本藩所用自有優別額定舊制尚難徵  
收欲責本地方以新允開額此萬不可者着長  
史司申文轉詳不得以就近破成規敬此又奉  
令旨予



祖韓恭王冲幼之國未及奏討額祿止支行糧  
千石較各藩祿米萬石者已天壤矣且派於平  
涼府屬二千二百兩刁疲不完積逋二萬有奇  
至延慶二府尤不可問惟藉興安州銀九百兩  
貢

上接下應用不敷捉襟露肘苦不可言今

稀府官軍欲以就近兌換則予祿盡歸烏有一官  
軍之不若矣等因敬此又據

慶府長史司申稱查得本府閭鎮郡王宗儀應支

每年祿銀俱赴布政司支領起解並不知漢中  
興安二府州坐派銀兩若干亦不知延平慶臨  
肇鳳六府坐派若干無憑查究等情又於紀善  
所抄出襄陵樂平等郡王郎盜問郡將軍中尉  
融歿等連各具本啓爲乞恩亟正

祖制以彰公道存恤閭郡生命事啓稱切照臣等居  
於邊鄙額食祿糧臨肇延慶平鳳六府十不解  
一惟賴西漢二府常完地方徵解每年湊發僅  
僅一季臣等人衆祿寡分食幾何更值連歲荒

款饑溺而死者不可勝數乞賜無徒者十室八  
九每欲比賑民事例請疏賑救屢奉

國主嚴旨以

國家多事

皇上勤憂之日不敢入

告臣等泣饑號寒無門控訴今且

瑞府官軍因俸糧不完要將漢興二處額解臣等

祿銀先去伏思郡王朱室較比官軍孰輕孰重

官軍欠<sub>奉</sub>糧二年而欲先換臣祿如臣等欠祿

五十餘季今所領者猶係萬曆四十六年之祿  
懸欠銀一百餘萬却將何項求換乎地方肥瘠  
必相品搭

祖宗定制豈可紊亂借名兌換實係侵奪臣等八千郡  
宗萬餘家口命脉所繫懇乞

國主亟力

奏辦以正定制或容臣等匍匐院司控訴乞命與  
其爲溝壑之餓殍曷若作階前之直鬼等情奉  
令旨郡宗官軍名分不同倉口各異兌換之說萬

萬難通昨予有

旨着長史司回覆諒當事者自有公論爾等詣宗  
各宜安心靜聽毋得譟急不便該司一併通詳  
院司敬此各抄到司申乞轉達回

奏等因又據西安府申及准分巡關南道牒據漢  
中道各稱兌換非便緣錄前來該本司查得

瑞府官軍每年原額俸糧銀一萬五千一百一十

五兩零於通省地畝糧內通融照數派給除漢  
興二府州應派銀五百四十七兩三錢二釐其

餘派於西鳳等七府後各官軍具呈撫按兩院  
批司議將漢興二府州應解本司襍項銀四千  
八百四十五兩零兌與各官軍俸糧將西安府  
屬應解官軍俸糧以抵漢興二府州應解本司  
襍項銀兩訖今

瑞王又

奏謂別府遙遠欲將漢興二府州額徵

韓慶兩府祿糧及西安永豐莊浪二倉年例銀  
就近兌與官軍俸糧將延平慶臨鞏鳳六府原

派官軍俸糧抵解該府倉今據

韓府長史司及紀善所抄出

襄陵等郡王閭郡將軍中尉啓奉

令旨不肯允支又據西安漢中二府各稱額解急  
需錢糧難以更允揆厥所繇蓋各官軍欲允者  
謂漢興原是膏腴之地錢糧易完而延平慶等  
府原是瘠土素稱才疲更兼連年荒盜頻仍徵  
輸愈難是以官軍欲允漢興求其全完以避延  
平之逋欠乃

原缺



韓府洞悉其情不願允支以

王祿允官軍俸糧亦有優別據稱不便更允守舊  
爲妥議照陝西舊有

秦 韓 肅 慶四藩供應已稱繁難又自新建  
瑞藩以來凡脩造府第與官中安置等項其費銀  
六十餘萬屢次搜括帑藏罄竭迨

王就國之後派祿米派贍租歲該折色銀三萬九  
千一百五十兩本色米四千石皆加派於民間  
載在考成此外如隨封官軍俸糧又歲派銀一

萬五千一百一十五兩零向來臣等屢行布政  
司嚴督徵解無奈關中土瘠民貧有司催科原  
不如額况延慶等府荒盜頻仍幾無子遺緊急  
錢糧久已蠲停前者議將漢興二府州所屬原  
額解布政司雜項銀四千八百四十餘兩允解  
瑞府接濟官軍俸糧蓋酌緩急而議裒益則當准  
從乃

瑞府官軍欲並

韓 慶兩藩祿糧及永豐莊浪二倉正糧盡數允

解在此

瑞府官軍則稱便於

韓慶兩藩則大不便葢

王祿宗祿皆非官俸軍糧可允而額倉正供亦非  
解司雜項可比且均係

天潢其地方完欠不宜太有異同豈可令完者益完  
欠者益欠以成怨望乎臣等仰遵

明旨議期妥當既稱紛更將有偏累何敢強令抵允  
以滋爭擾惟是

瑞府官軍俸糧係計口授食之需不可不設法催  
解合無以後將此項銀兩亦載入考成如西鳳  
臨鞏漢興六府州俱要照額全完倘再有拖欠  
者有司官照例降罰卽延慶平三府雖近日連  
遭兵荒錢糧暫緩俟盜賊蕩平人民復業亦當  
一體徵解等因崇禎五年七月初六日奉

聖旨該部覈議具奏欽此欽遵抄出到部送司議奏  
間又准

瑞府承奉司手本前事內開奉

令旨這充支官軍俸糧如何還未議妥前文武軍  
尉具呈巡按御史吳煥尚准充支四個月今反  
竟置不理豈 潞 福 惠 桂四王府俸糧  
俱就近支給而獨靳於本藩乎赫赫

聖旨反不若巡按一批詞而本府題奏更不若官軍  
一告狀也爾司還再移文戶部着令嚴催以了  
此局如再不遵行只得懇請

綸音再求定奪以救多命承奉司知道敬此敬遵合  
用手本前去煩念

聖旨篤念親藩事理亟爲查發等因到部送司案呈  
到部該臣等看得

藩封有一定之祿不得隨意爲更遷隨封有原派  
之規豈得任情以借便陝西

韓 慶二府祿糧原派有漢興二郡稻米銀兩自  
是開

國舊例乃

瑞藩新封贍田祿糧亦派及閩省及晉蜀中州協  
濟以供

王祿業該臣部覆議定制永垂世守乃

瑞藩官軍俸糧派及陝省各府州縣銀一萬五千  
一百一十五兩近因歲荒徵解不前該藩催請  
議將漢興二府州所屬應解布政司雜項銀四  
千八百四十餘兩允解

瑞府官軍俸糧已經允行此亦因便酌宜以濟緩  
急者也乃官軍又欲以漢興二府州

韓慶祿糧及永豐莊浪二倉允支毋論有俸軍  
糧不可擬於王祿而韓慶兩藩各有

令旨控陳咸稱兌支不便且該撫按議稱紛更  
累將令完者益元欠者益欠不敢強令抵兌以  
滋爭擾誠有見及此也但

瑞府官軍俸糧計口授食委難枵腹以待宜行申  
飭設法催解自崇禎五年爲始載入考成如西  
鳳臨鞏漢興六府州俱要照額全完有不完者  
撫按年終查明經管有司叅罰不得藉口災疫  
減免之說以恣委卸至延慶平三府雖云連年  
荒亂積逋難完自今年諗寇靖亦應漸次徵完



補解庶

王祿得以循例而世享官軍亦不至啼饑而待哺  
矣是在撫按藩司加之意耳恭候

命下臣部移咨陝西巡撫并咨都察院轉行陝西巡  
按御史及照會布政司遵奉施行

崇禎五年八月初二日具

題本月初五日奉

聖旨依議欽此

覆陝西巡按奏繳賑銀疏

題爲欽奉

聖諭事陝西清吏司察呈奉本部送戶科抄出巡按  
陝西仍料理賑務監察御史吳銜題前事內開  
臣奉

命巡按陝西仍料理賑務州縣管衛表延數千里軍  
民饑餓及被殘掠者數甚夥也止持此賑濟指  
輸一十三萬七千一百六十五兩八分五釐一  
賑再賑小民沐

浩蕩之恩莫不歌詠

聖德臣朝夕冰兢竭蹶從事今差已報滿矣除應開  
銷過一十三萬六千二百六十九兩六分五釐  
則清冒裁濫銖累寸積之所餘也臣宣布

皇上德意非能有裒益酌濟之方而拯救災黎使沾  
實惠不令纖毫有所蠹冒區區心力則已竭盡  
矣惟是延綏荒亂日久地方在在殘破軍民窮苦  
至極深秋凜冬饑寒迫膚恐其復聚爲盜必再  
爲賑恤而後可新按臣入境受事自當繪圖上

請臣敢因

奏繳而併及之遵將賑給過銀糧分別總撒花名  
數目并開銷簡明及續捐職名備造文冊擬合  
具奏等因崇禎五年八月初九日奉

聖旨該部知道欽此欽遵抄出到部送司查得崇禎  
四年正月內

皇上軫念延郡災荒

特命戶兵二部發銀十萬兩差臺臣吳牲前往延綏  
等處州縣營堡酌量賑給遍歷州縣查取花名

文冊并勸諭仕紳鄉民共捐銀三萬二千二百九十二兩七錢七分襍糧三千一百一十二石六斗又據布政司呈報

瑞藩捐一千兩

秦藩捐一千兩

韓藩并宗儀捐一千五百兩乾州并佐領鄉紳捐銀一百二十兩洵陽縣鄉紳士民捐銀八十九兩八錢藍田縣舉人捐銀三兩八錢通前報捐共三萬六千六兩三錢七分襍糧三千一百一

十二石六斗運至耀州等州縣用過腳價銀五百三十一兩三錢六分四釐除應開銷過一十二萬六千二百六十九兩六分五釐尚存剩銀三千一百九十三兩四錢六分五釐連冊

奏報前來相應具覆案呈到部該臣等看得救荒善政首先賑貸秦省延慶平諸府四載饑荒流寇肆虐民之溺於塗炭久矣荷蒙

皇上軫念民隱發銀十萬

特遣臺臣吳姓往賑真足以明

恩波之浩蕩矣乃堂臣拜

命以行卽能以

皇上之心爲心披荆棘而冒風塵履艱險而拯饑旱  
設法清查民沾實惠且又鼓勵募義傾囊倒廩  
使在任在籍諸臣以及下而士庶鄉民上而而

藩封宗室捐俸捐資計得二萬六千六兩三錢七  
分或通糴販以平價出糴或給籽種以收穫還  
本通計支銷一十三萬六千二百六十九兩六  
分五釐一時枵腹待盡之民轉外爲生猶得存

才遺於顛連而三府胥安堵如故者皆臺臣奉命賑貸之力也今事竣

奏報災民漸有起色尚存剩銀三千一百九十二兩四錢六分五釐留不盡之惠以俟新按臣誠肫懇無窮之

德意也至謂深秋凜冽饑寒迫膚必須再爲賑恤亦是目前急務但

國家財用有限而秦中今歲頗豐惟是薄賦緩徵益廣煦育給籽平糶大普



恩膏則全秦之元氣自培而生齒之繁聚有賴矣至  
於臺臣吳牲滿腔惻隱萬種經綸澤稿噓枯普  
陽和於霜肅之內剿逆撫順弘綏靖於凋瘵之  
餘誠不負

簡書之托而可當心膂之寄者恭候

命下卽將前項賑貸錢糧准其照數開銷仍行從優  
紀錄破格超陞以爲賢勞者勸移咨吏部知會  
施行

崇禎五年九月十三日具

題本月十七日奉

聖旨賑銀准開銷存剩的該巡按御史酌濟仍多方  
撫恤務極殘黎不得僅恃賑餘漫無設處欽此

覆京管額糧扣存在倉數目疏

題爲遵

臣回奏事陝西清吏司案呈案照欽定順治五年五月內  
該督署協理京營戎政兵部左侍郎楊一鵬題  
爲春操已歇等事內議軍丁廩額九萬三百八  
十一名今實在止八萬二千一十九名缺額八  
千三百六十二名則存糧亦當有八千三百六  
十二石以一歲計之實存糧十萬三百四十四  
石或有事故開伍或有冒名虛耗是在下糧廳

極力清出以濟窮軍等因節奉

聖旨額軍存糧着下糧廳官奏明欽此隨該臣部於  
六月二十一日逐一查確議擬覆請六月二十  
五日奉

聖旨選壯一萬七千有餘易弱拔精便當盡入二萬  
四千之內如何止用七千又欲分外增糧至原額  
之始併見數太懸還着楊一鵬奏明兵旣多缺額  
糧廳扣存在倉歲約若干曾否報部還明白奏來  
不得於京管之外通融牽算以有增無減爲辭欽

此六月二十六日抄出到部又該總督京營戎  
政太保襄城伯等官李守綺等題爲考覈司屬  
官員事內開准兵部手本准戶部咨稱管理下  
糧廳主事馬習元差滿緣繇奏

聖旨據奏管衛官軍較萬曆四十六年增額幾至三  
萬顯多虛冒旣云已經清汰如何未大有減損還  
着會同總理速取各衙門見在實數通行詳核不  
得但憑該廳文冊致滋糜耗欽此續該本部查明  
食糧實數覆奉

聖旨這軍較等項多增幾及三萬明有冒濫本內錦  
衣衛增數獨多見供何役有無操練并各衙門曾  
否續汰着各行奏明述旨倫字訛論改正行欽此  
欽遵移會前來隨該臣等牌行三大營六副將  
董用文等回稱查得見操官軍選壯家丁及五  
府僉書教習勲衛等官應差軍牢共十萬九千  
七百五員各內軍食一石選鋒食二石壯丁食  
一石五斗共支糧十二萬三千九百二十九石  
蓋向因虜犯用人之際各營額多餘加以城守

叙陞各官加級糧石以是經制在軍額猶缺萬餘而糧石已覺微多等因開造到臣據此看得方今封疆多事正在需人操練戰兵不厭議增但選壯兼人而食

祖制三大營以十二萬爲額蓋以一軍額糧一石耳未有選壯也今選壯合計軍止十萬九千七百五員各尙隘於額之中而糧支十二萬三千九百二十九石反浮於額之外將損軍以就糧則軍不足用矣將減糧以就軍則糧又不足食矣或

招補以實軍額永定十二萬之經制或停後來  
之續補務就十二萬之軍需但恐軍與糧不得  
均泥而齊也若冒濫之弊臣等當極力清之無  
所諉矣等因本年九月初五日奉

聖旨該部確議具奏欽此欽遵各抄出到部送司案  
呈到部該臣等看得軍有定額糧有定數年來  
倉糧耗費不貲臣等據實以對續蒙

聖旨不得於京營之外通融查算以有增無減爲辭  
似單就京營論之則其數有減無增也及查三



# 大營

國初經制額軍一十二萬每軍月米一石其糧亦以十二萬石計此確數也嗣因軍容弗振遂將歷年汰革老弱軍數量以選鋒壯丁頂補是以軍恒歉於額之內數止十萬九千七百五員名但選鋒每名月米二石壯丁每名月米一石五斗而糧遂常浮於額之外至支十二萬三千九百二十九石矣督臣李守筠日擊時事心深遠圖擬議上請致厘

明旨命臣等確議具奏臣等再四思維將欲損軍以  
就糧值此東西交訌方思增募召補折衝禦侮  
何敢再爲裁冗汰濫之說若欲減糧以就軍當  
此需軍孔棘不豐其糈以果其腹何以致其效  
綏敵愾之心然選鋒一名既兼二軍之糧卽可  
作爲二軍之額壯丁一名既食各半之米卽可  
作爲各半之用見缺之軍不待續補而額已浮  
矣信能守定此數覺於糧額亦不甚增卽臣部  
倉庾匱詘而總計見在選壯軍丁照例食糧又

何敢膠於十二萬之額耶合無卽以見支十二萬三千九百二十九石定爲經制嗣後不得升合加增則兵食不致兩虧矣若夫清查冒濫爲目今第一喫緊事督臣旣身任之必能不負

皇上裕兵儲餉之至意也此外溢額獨多者又自有屬是在各該衙門共爲釐剔耳至於事故軍人應扣糧石或遇坐糧在先事故在後是以臨倉將米扣存仍於下月作正支放原非另貯他倉以需別用管倉員役每季填循環文冊報督部

稽查每年仍送京畿道清辦法恭詳矣前樞臣  
楊一鵬以扣存另爲一項欲清出以濟窮軍奉  
旨嚴核臣卽督行新舊太等六倉通州西南等二倉  
查取自萬曆四十六等年至今崇禎五年六月  
止節年扣存在倉米數以憑回

奏今據各監督回稱四十六年以後官吏更易不  
常年久冊籍無存扣存之數無可稽考在京六  
倉俱自崇禎元年正月起至五年六月止通州  
二倉則自崇禎三年正月起至五年六月止各

造扣米文冊前來俱發下糧廳戶員外郎孫陞查  
算續據本官查算得舊太倉崇禎元年扣過米  
九百一石二斗九升崇禎二年扣過米一千五  
百七石四斗崇禎三年扣過米一千六十三石  
七斗一升四合崇禎四年扣過米七百三十八  
石八升三合二勺崇禎五年扣過米二百九十  
九石六斗共扣過米四千五百十石八升七合  
二勺海運新太倉崇禎元年扣過米六百十二  
石二斗三升四合崇禎二年扣過米一千四百

二十一石九斗七升四合崇禎三年扣過米八  
百九十八石五斗崇禎四年扣過米九百九  
二石六斗六升四合崇禎五年扣過米三百五  
十石一斗九升八合共扣過米四千二百七十  
五石五斗七升南新濟陽倉崇禎元年扣過米  
一千二百一十石八斗崇禎二年扣過米一千四  
百二十二石八斗崇禎三年扣過米一千一百  
十四石二斗二合崇禎四年扣過米九百三十  
八石一斗崇禎五年扣過米四百一十石九斗共

扣過五千九十六石八斗二合北新大軍倉崇  
禎元年扣過米六百六十七石三斗崇禎二年  
扣過米一千九十九石四斗崇禎三年扣過米  
五百三十七石五斗九升九合崇禎四年扣過  
米七百八十石崇禎五年扣過米二百九十九  
石共扣過三千三百八十三石二斗九升九合  
西新倉崇禎元年扣過米三百一十一石七斗崇  
禎二年扣過米四百四十四石一斗三升五合  
崇禎三年扣過米四百二十二石二斗九升七

合崇禎四年扣過米四百四十九石四斗崇禎  
五年扣過米一百八十一石八斗六升六合六  
勺共扣過一千八百九石三斗九升八合六勺  
祿米倉崇禎元年扣過米三斗九十七石崇禎  
二年扣過米二百十二石九斗三升三合崇禎  
三年扣過米四百九十七石二斗六升崇禎四  
年扣過米二百九十六石七斗三升崇禎五年  
扣過米四十五石共扣過一千四百四十八石  
九斗二升三合通州大運西倉崇禎二年扣過



米一千四百七十七石九斗崇禎四年扣過米  
八百七十三石五斗六升崇禎五年扣過米五  
百七十三石八斗共扣過二千九百二十五石  
二斗六升大運中南倉崇禎三年扣過米一千  
二百五十六石四斗崇禎四年扣過米一千一  
百一十八石八斗崇禎五年扣過米六百八十  
四石八斗共扣過三千六十石總計京通各倉  
共扣過米二萬六千五百九石三斗三升九合  
八勺俱經歷算見在所扣之米卽貯本廠實在

數內作正支放實無另項存積合無今後請令  
各倉照例置立循環文簿二扇按季將扣存米  
石登報赴部倒換年終查核倉糧一體

奏報但欲另項收貯恐頭緒繁瑣終爲不便蓋升  
合總

國家之倉糶而支放皆

朝廷之經費誠不得岐視者也况樞臣原疏欲得缺  
額餘米以濟窮軍今軍仍有餘而米終不足况

新奉

明旨一切操練加增鹽菜料草俱取給於新舊二餉  
之內則又無庸此項餘米爲矣伏乞

勅下臣部并移咨兵部及京管戎政各該衙門一體  
遵奉施行

崇禎五年十月初三日具

題本月初六日奉

聖旨前楊一鵬奏稱缺額存糧每歲常有十萬餘石  
如何本內數年以來止共扣二萬六千有奇着總  
理會同部科通將京通各倉實在米數盤食具奏

欽此

覆陝西按臣預陳延慶善後十策疏

題爲延慶凋殘至極預陳善後十策仰祈

聖明採擇以安危邊以保子遺事陝西清吏司案呈

崇禎五年九月初二日奉本部送戶科抄出兵

科外抄巡按陝西仍料理賑務監察御史吳姓

題前事內開臣以賑資入秦改而巡方自去年

仲春至今閱二十閱月強半在延慶之間流寇

情形小民疾苦屢疏入

告猥蒙采納多見施行日者賴

皇上威靈神武之所變化平涼西川諸寇漸次剿平  
督撫鎮道同心戮力拮据行間日事征討今惟  
混天猴劉五等兩枝賊尚未殄滅而臣將瓜代  
矣封疆安危日夕籌畫得善後十策如野人食  
芹而美思欲獻之

君王雖無足采亦出於愚誠不容已也臣又惴惴焉  
竊抱杞憂妄謂延慶已潰之癰也西平鳳漢將  
竭之澤也不可不早爲之所也近見部劄欲追  
天啓六七年以來未完加派徵求太急民不堪

命臣恐揭竿而起者不止延慶也惟

皇上宥其在警俯賜擇採等因崇禎五年八月三十

日奉

聖旨延慶地方殘破委宜休息整頓奏內事情多切實可行有裨善後着該部覆議具奏欽此欽遵抄出到部送司查得疏內十款奉本部送准兵部咨稱擇守令一款係吏部職掌修山寨嚴保甲實邊備係兵部議覆所有招流移墾荒田廣屯種清編審通糴販復本色六款相應照欵具覆

至天啓六七年以來未完加派新餉欲行免徵  
卽移付新餉司查覈去後隨准回付查得陝西  
省舊派九釐額銀二十六萬三千六百三十一  
兩四錢六分五釐崇禎四五年分又各該新增  
三釐銀八萬七千八百七十七兩一錢五分五  
釐除天啓五年以前奉

恩詔蠲訖天啓六年分通省未完銀二萬八千二百  
六十九兩九錢九分六釐一毫天啓七年分未  
完銀三萬三千二百二兩二錢三分八釐五毫



八絲崇禎二年分未完銀二萬五千三百三兩  
二錢四分九釐九毫屢經行文督催完解其崇  
禎元年及三四五年分俱解部開銷并題留該  
省應用訖今該巡按題疏議免延慶西平鳳漢  
六府天啓六年以來未完加派錢糧奉

旨下部覈覆及查該省冊報各府節年俱有未完且  
不止於延慶等六府之欠撒數每浮於總數或  
係司庫那解各府未經解補者有之似難槩行  
蠲免其各府或有應補司庫之銀聽該省藩司

自行追比銷算等因呈堂奉批天啓六七兩年  
應與蠲免以示優恤二年姑行停緩俟年豐盜  
息再徵如司庫那解而小民拖欠者如議行奉  
此回付到司案呈到部該臣等看得陝西按臣  
吳牲始僅奉

命賑秦繼遂持斧巡方凡地方之利弊民生之疾苦  
觸於目而警於心感於衷而形於言諸所敷陳  
莫非救時之藥石而補敝之規箴也條議十款  
除吏兵外相應按款覆議

上請至天啓六七兩年未完加派歷今荒亂之後應  
與蠲免以示優恤其元年以及三四五年雖經  
解部及

題留開銷全完但各府細冊亦有未完成保藩司  
那解未補應聽該省藩司追比銷算其二年未  
完姑行停緩以蘇民困俟年豐盜息再行帶徵  
其於

國課民情庶爲兩得矣恭候  
命下移咨陝西撫按遵奉施行

一曰招流移延慶兵荒五年民之壯而黠者

盜不則散而之四方矣老弱者填溝壑四野

蕭條鬼燐夜嘯今雖孤城壁立無民其誰與

守卽有賢守令舍招撫流移一着無處下手

而要非可以空言招虛文撫也臣在榆中檄

州縣清查各村各里逃亾幾何戶山寨空房

幾何所田地荒蕪幾何畝一一登註於籍然

後招致流民間其有無房屋田地有則還以

原業無則取之絕戶給之印照量助牛種編

里甲俟年豐事平仍舊當差納糧方謂之版籍良民而招撫始有實着矣

前件看得延慶饑饉之後繼以流寇民之壯者盜而老者死家徒壁立室如懸磬田畝阡陌盡爲荒蕪流離瑣尾倍萬堪憐若非加意招徠民誰與守是必賢守令於逃亾者籍田里計廬室然後招致流民有故土者還之願爲氓者給之俱取給於絕產之內少俟事平年豐仍編

里甲當差按臣所議誠休養生全之道也

一曰墾荒田延慶兩郡延亘千餘里地廣人稀  
往日所獲粟穀輒販西安今因荒滋盜而田  
多蕪粟如珠矣臣查宜雒兩川近韓邠一帶  
其中宜接壤涇三蒲富有力量之家多有負耒  
耜而願耕於其野者特爲盜阻耳若事平之  
後有司招勸有佃種荒地者投官給牒俾得  
盡力開耕有耕至百畝以上者量爲獎賞初

墾免其差糧豐稔量納租稅待元氣已復始  
一例給繇帖徵課則久之無不闢之土矣

前件看得開墾荒田臣部屢行申飭無奈  
連年荒亂道路梗塞負耒而耕者多爲  
道阻何也今事已就平田漸可耕如臺  
臣所議宜雒兩川近邠韓一帶中宜接  
壤涇三蒲富皆得就近開墾初墾免其  
差糧豐稔量爲輸納速成熟後給繇徵  
課則荒田闢爲沃土而穀粟自可灌輸

矣

一曰廣屯種募民墾田止可得之延慶以南與  
西安相界者耳亦未必盡緣南畝而耕也則  
無如屯種便近邊一帶凡係屯田逐畝清查  
招軍屯復業而其餘拋荒之地查各衛所有  
軍餘軍丁願領佃者官給印牒照民田例俟  
成熟徵收籽粒如雒川令議練鄉兵民有勇  
力者爲兵每兵給田五十畝量貸牛種收穫  
償還蓋收其勇健者爲兵宵驅其遊惰者爲



農亦策之可行者也

前件看得屯種之法寓兵於農洵稱良法  
美意古人行之有效者也陝省近邊一  
帶滿望荒丘臺臣議查各衛軍餘營堡  
軍丁就近願佃者官給印牒照開墾民  
田例俟果豐稔徵收籽粒則屯田不難  
議復也至民田無人者揀鄉民中有勇  
力爲兵每兵給荒田五十畝量貸以牛  
種之資至秋收扣還牛種外卽予爲衣

甲器械則遊惰悉歸於力農而畝畝仍  
資於捍衛迨事平編入里甲當差做雜  
川令之法行之可也

一曰清編審延慶邊郡州縣官曩多衰朽明經  
風力不足錢糧出入皆吏書收頭之手官無  
紅簿民無繇帖不知派納幾何以致一戶逃  
累及一甲一甲逃累及一里富者公昂而貧者  
盜臣按歷延安寨停徭糧士民感泣下今  
地方殘破民逃地荒經界紊亂當見成各道

委廉能府佐等官履畝清查逐丁編審田地  
荒熟幾何戶口丁徃幾何一一註之於籍編  
成里甲除豁一切荒糧逃丁而止就見在者  
照畝派糧照丁派徃俟豐稔後量收俸廩驛  
站其餘錢糧必俟三年議徵亦必官立紅簿  
民給錄帖而吏役收頭不得上下其手民生  
其有瘳乎

前件看得荒亂之後民無定止丁逃戶絕  
則累及里甲差役勾攝則罪及妻孥徒

飽胥役收頭之腹民之膏血幾何而堪  
此重刑厚歛爲也臺臣按臨首正經界  
田地之荒熟者幾何戶丁之見在者幾  
何一一註之於籍編成里甲除一切荒  
糧迺戶外止就見在派徵以供俸站必  
俟三年徐議起徵以革吏役收頭之弊  
則法可久而民安其居矣

一曰通糴販延綏糧道中東兩路自山西止隔  
一河西路自虜陽寧夏延郝自宜雜中宜近

因大盜中阻以致糧運不通臣嘗具疏通糴  
但使桴鼓不鳴則糴販源源繼至若欲實邊  
儲莫善於漢臣耿壽昌常平倉之法酌豐歉  
徵貴賤責成專官則三年九年之儲也在民  
間則各處集場以粟貿易在榆林則有鹽有  
炭亦可以餬口唯在上之人有以利導之耳  
前件看得民之趣利如水就下陝以延綏  
一帶逼近山西通販貿易亦無不足近  
因大盜中梗斗米六錢臺臣苦心極力

具疏通販軍民始得就食第責成任在  
道臣護運必在將領此固一時權宜之  
計也若必實邊儲以垂永久則無如耿  
壽昌之常平倉酌豐歉徵貴賤責成專  
官至民間集場與榆林鹽炭交相貿易  
以聚貨粟則民資以糊口而凶荒其有  
備矣

一曰復本色榆鎮孤懸塞外不產五穀一切芻  
糧仰給腹裡弘治中布政文貴奏改西延慶

三府解本鎮之稅爲拋荒折色者二萬餘石  
正德中侍郎馮清又改三府本色盡爲折色  
自後軍用始窘矣內地凋疲偶遇災傷又多  
逋欠焉得不困故論榆林者急在芻糧若本  
色不復則榆林未可知也語曰千里不餽糧  
今欲強西安以轉運誠難若延安諸州縣可  
以運至綏德慶陽諸州縣可以運至定邊餉  
司督責運軍轉運榆城歲可得米豆十餘萬  
石草百餘萬束年豐價賤則軍支折色年荒

價貴則本折兼支至東路距晉最近若歲  
以行糧銀數萬令神木道糴買積貯卽一旦  
有征調之役三路士馬飽騰有資此百年之  
計也

前件看得邊地不毛惟藉內運以充軍儲  
自西延慶二府改解折色而軍餉匱一  
遇有事芻糧不足軍興何賴誠應如臺  
臣議除西安外責令延慶二府仍解本  
色延安運至綏德慶陽運至定邊餉河



居中督運榆城歲得米豆草束若干  
稔則軍支折色年荒則本折兼支誠謂  
有備無患者也查延綏經制原有民屯  
二運糧九萬二千四百餘石料四萬六  
千八百餘石草四萬五千餘束則本色  
非乏也想因災荒停徵故解納絕響耳  
此後年穀順成自當力復舊規無寧以  
改折滋匱詘矣是在撫按司道共爲調  
劑綢繆耳統候

聖裁

崇禎五年十一月初一日具

題本月初五日奉

聖旨奏內天啟六七年該省未完加派准蠲免以示優卹崇禎二年姑與停緩其已完年分數內係藩司那解的作速追補銷算餘六款俱着該督撫按責成有司實心舉行不得以空文塞責欽此

覆興安州屬水災蠲賑疏

題爲興屬水災異常窮民困苦堪憐仰祈

聖慈特准蠲賑以恤才遺事陝西清吏司案呈崇禎  
五年十一月二十一日奉本部送戶科抄出巡  
撫陝西都察院右僉都御史降三級練國事會  
耶陽巡撫都察院右僉都御史蔣允儀巡按陝  
西監察御史金蘭題稱據分守關南道副使王  
在臺呈據興安州申據闔州士民劉其明等呈  
稱本年七月十三日陡遭洪水衝開堤岸頃刻

桑田變海城市爲河房屋半逐水去五穀罄  
餘粒老者填於溝壑少者漂於四方真戚慘  
天號泣動地明等援樹獲生奈田無田地無地  
邊儲何辦食無食居無居殘喘安資災異至此  
情實堪哀等因又據洵陽白河等縣申據闔縣  
士民吳明珠張袞等各告水災緣繇到道轉詳  
到院看得興安北接漢江東連洋河兩水交湧  
堤岸潰決舊城陷沒嗟嗟街市變爲湖海男婦  
巢於林木在洵陽則右臨漢江左濱洵河因山

爲基以水爲城水溢民溺房舍皆以泥作泥沙  
家口牲畜同於魚鼈在白河則倚山傍水民僅  
沿岸而居秋漲橫發逃避不及室廬漂流田地  
衝淤此三州縣罹災更慘民已無居無食似非  
他處可比伏乞

聖慈憐憫容臣等分別軫恤將禾被水傷者蠲緩賦  
稅家被水渰者量行賑濟其坍塌城垣責令有  
司或動官銀或撥里夫上緊修築以資保障再  
照白河舊係一堡成化十二年始改爲縣原糧

三百餘石後加至九百餘石民力不支前經奉  
准將各項錢糧照上疲例考成近又加派懲餉  
加派

瑞府祿米額外加增無已小民膏血盡枯近又以  
節年積欠站價抵充

瑞府官軍俸糧自崇禎三年起每年二百四十兩  
瑞府差官逼催該縣士民嗷嗷籲訴縣官瀝血上  
陳該道王在臺詳議與屬各掌印官大家捐俸  
量助除本道捐俸二十兩外分派興安州捐二

十五兩洵陽平利漢陰紫陽石泉五縣各幫二  
十六兩尚少五十五兩令白河自出共足二百  
四十兩先幫一年補解崇禎三年欠數其四五  
年以後再議續幫各官已忻然願盡心協助夫  
此一州五縣各有成賦各有

瑞府俸糧豈強以不堪亦惟是量捐俸貲共成義  
舉真數取盈於一歲其時裁定爲歷年或可劑  
量於萬一也然割肉醫人賢者所難計濟一年  
可耳過此以往寧保人人繼美歲歲終厥事乎

所當將此幫定之數酌派民間各爲協濟仍許  
勒石查盤永著爲令蓋官止暫幫而不病官民  
主分派而不厲民白河其有瘳乎等因崇禎五  
年十一月十八日奉

聖旨該部看議具奏欽此欽遵抄出到部送司相應  
具覆案呈到部該臣等看得陝省延慶平三府  
州縣連年荒亂

朝廷發銀遣臺臣以賑濟矣又將民運遼餉題  
請酌量蠲停緩徵矣所藉西漢鳳等府州縣年穀



順成供民運以足邊儲解加派以濟軍興度  
國家猶獲三秦一臂力耳無奈天災流行雷雨爲  
祟在興安州則兩河洪水交湧堤岸衝決在洵  
陽縣則漢江洶河水溢民溺在白河縣則秋漲  
橫發室廬漂流以上三州縣大都田地衝淤城  
垣坍塌老弱盡轉溝壑黍穀盡爲泥土上者巢  
而下者窟民無室家之樂田成海而地成沼官  
無賦稅之徵誠宜軫恤以蘇民困者也弟民運  
係邊儲之供固不可緩而加派尤遼餉之需亦

無可停除二項緊急正供外餘查該州縣有起  
存可緩錢糧量爲停至明歲秋成起徵再將預  
備常平社倉等穀酌量賑濟亦足以稍示濡沫  
矣以至城垣廬室或興築或修理悉聽該撫接  
或動官銀或撥里夫相機舉行務使民不擾而  
事聿成可也其白河縣

瑞藩官俸該縣以瘠瘵難供而興屬有捐助之舉  
除本道捐俸二十兩外興安州幫三十五兩洵  
陽平利漢陰紫陽石泉五縣各幫二十六兩尚

少五十五兩令白河縣自出共足二百四十兩  
之數斯亦扶弱之義舉也但恐可一而不可再  
可暫而不可久仍照前數酌派民間名爲協濟  
勒石著令以供

王稅在各州縣原無大損而在該邑實有永利卽  
循爲定規可矣旣經陝西撫按會題前來相應  
核議覆

請恭候

命下臣部移咨陝西鄖陽巡撫并咨都察院轉行陝

西巡按御史遵奉施行

崇禎五年十二月初八日具

題本月十一日奉

聖旨依議欽此

覆甘肅捐贖買糧入倉備荒疏

題爲恭報捐贖買完糧石數目入倉以備兵荒事  
陝西清吏司案呈崇禎五年十二月二十四日  
奉本部送戶科抄出巡撫甘肅都察院右僉都  
御史白胎清題稱甘肅地土頗廣人民最稀每  
遇凶年窮民缺乏籽種率多荒蕪臣不勝杞憂  
竊謂屯運本色糧草額供兵馬計口之需卽全  
完尚不敷支用可令地土拋荒春種旣少秋收  
失望其應徵本色糧草安從所出臣目擊時艱

嚴督局壩各官每至春疏導引水灌溉務俾生  
下均沾惠利無致屯民失所此外則惟積穀備  
荒免爲長民救時之急策於四年八月十六日  
搜發贖銀五百兩牌仰甘肅監收同知劉佳禎  
照依時價每銀一兩買麥二石一斗共買麥一  
千五十石入常平倉取有實收臣見地方今歲  
頗獲再捐柴燭等銀共湊五百兩照前易買於  
五年八月內將銀發劉佳禎照市價買麥一千  
五十石入常平倉前後二年共發銀一千兩共

買麥二千一百石歲凶則可備賑貸有警則可  
佐軍興而緩急有賴且春放給牛種以勸農業  
酌量極貧平借秋成抵斗還倉務期充裕以爲  
兵荒之備等因崇禎五年十二月二十四日奉  
聖旨戶部知道欽此欽遵抄出到部送司相應傢議  
具覆案呈到部該臣等看得甘鎮屯地糧草額  
供兵馬計口之需此外拋荒地土儘皆可墾而  
耕所慮地廣人稀窮民缺乏籽種是以春種旣  
少秋成失望一遇凶荒則糧草通欠而軍餉缺

額無臣深抱隱憂每於春月督令局壩各官濬  
水導流務俾灌溉屯種以足軍儲固已留心根  
本之圖矣猶慮凶荒爲祟設法預備隨於崇禎  
四五年八月內乘秋收之際趨麥價之平搜發  
贖緩并柴燭銀共一千兩給發監收同知劉佳  
禎買麥二千一百石收貯常平倉內春放以給  
半種秋成抵斗還倉節年存積以備兵荒從此  
展轉經營年年生息載八七事

奏報將有備無患而凶荒不足慮矣誠撫臣安邊



救時之苦心所當如議允行者也相應覆

請恭候

命下臣部移咨該撫按遵奉施行

崇禎六年正月十三日具

題本月十五日奉

聖旨依議欽此

覆甘肅閱視查出侵涓錢糧疏

題爲直陳錢糧侵涓之數乞

勅嚴追以重軍儲並述錢糧未經開除情繇仰于

聖裁事陝西清吏司案呈崇禎六年正月二十六日

奉本部送戶科抄出巡按陝西監察御史張應

星題稱前奉都察院勘劄准戶部咨該巡按陝

西監察御史張應辰題閱視冊內查出侵欺涓

爛錢糧久未追補等因奉

聖旨該鎮錢糧每疏呼籲急於待哺乃侵欺涓爛動

以千萬計漫置不問軍民膏血徒飽姦腹是何邊  
政至支放見在自當一一清楚失悞掛號總是猾  
胥藉口支飾該道餉司何故夙弊相沿莫爲釐剔  
本當追治念已年遠姑不深究這奏內查出項數  
卽着該督撫按嚴行各道侵浥者設法比追見在  
者詳加稽覈明白回奏不得槩以子孫故絕底簿  
有據空言塞責該部知道欽此欽遵移咨到院劄  
行前差御史楊通宇案行各道查追未報該臣  
於崇禎五年二月內入境受事嚴催比追屢行

批駁去後今據各道呈報有追完取到實收者  
有見今追比候取實收另報者有勢難查追應  
從豁免者列款登咨造冊到臣查算總計使漚  
虧折借支冒破等項銀共八千六百二十六兩  
八錢零糧料共七萬七千三百八石二斗零草  
共一百七十五萬一千七百八十六束零布共  
一千一百七十一疋零棋炒共五百八十七石  
五斗今於內追完銀共七百五兩一分零糧料  
共七千一百一十石三斗零草共二十六萬三

千八百六十七束零布共四十三疋零俱贖有  
實收在卷又有子孫家屬見今代追未完銀共  
四千四百四十兩七錢零糧料共一萬五千四  
百二十二石八斗零草共六十三萬五千八百  
二十六束零布共五十五疋俱嚴限追比候取  
實收另報外查出各犯已故及無子孫家產代  
追銀共三千四百八十一兩五分零糧料共五  
萬四千七百七十四石九斗零草共八十五萬  
二千九十一束零布共一千七十三疋零旗纓

共五百八十七石五斗俱應從開銷其支放過六年以前銀糧料草尚入見存項下一款俟於明歲閱視冊內開銷不敢瑣陳致煩

聖聽該臣會同督臣洪承疇陝西撫臣練國事甘肅撫臣白賄清議照此一案也錢糧侵浥委經數十餘年每一根究僅有影響可據再四研查乃有世次可尋以故各道諸臣扼腕稱難者久之臣於視事之初卽手諭各道謂此難措之處須尋脈絡非時分年遠年近人分土著流移則不

能清此一局大都年在三十年以外固不可開  
若在數年以內猶得借口難稽乎人果流移以  
亡固不可問若係地方世職猶得托名抵塞乎  
如果子姓故絕則本衛當有甘結如果問擬瘦  
灰則當年自有詳案從此尋求又何蠹冊不明  
積逋不清乎各道遵行逐一追尋往返駁查至  
再至三乃今始有追完者見報實收尚有未完  
者嚴限追比至於年代委係深遠子孫委係故  
絕卽欲一併嚴追其如勢不能何似宜豁免或

亦應開一面之網乎當此三空四盡之時臣非不欲盡數追完少助軍興然年遠故絕而一槩苦求勢不能不株連無辜有傷

堯舜之心又臣之所不敢出也等因本年五月二十三日奉

聖旨戶部知道欽此欽遵抄出到部送司卷查崇禎三年十二月內該巡按陝西監察御史張應辰奏報大閱過甘肅二鎮查出侵浥本折錢糧數目應追者追有子孫故絕應免者免其已支錢糧



應開除者開除等因奉有

欽依勒限該省巡按御史設法追比去後屢催未報  
今據題報前來呈乞具覆案呈到部該臣等看  
得邊鎮本折並關軍食一旦有急白鏹不可以  
飽故本色視折色尤重然而浥爛者以願賂爲  
虛套侵欺者以展限爲了局年復一年人閱一  
人鐵案竟成故紙矣如甘固二鎮該御史張應  
辰閱視冊內查出浥爛侵欺久未追補銀料布  
草等項奉

旨勤催始有頭緒今就按臣所造青冊比對原題中  
間近者二三十年遠者邇至隆慶六年以前檢  
月數日各有主名並草尺布具成清帳予以懲  
前茲後可謂密矣冊開見在追比已完未完如  
柔遠等場百戶嚴甲彭懷孝諸人子孫家屬代  
比未完如沙河堡等倉賀進石黃保諸人各犯  
久故無人可追無產可變如西寧等場百戶陳  
勇馬承祉諸人各取有原籍及各衛甘結實諸  
閱視冊內所開總撒符合計虛懸難追者爲錄

三千四百八十一兩五錢糧料五萬四千七百  
七十四石九斗草八十五萬二千九十一束布  
一千七十二疋此孰非百姓脂膏庚癸命脉而  
悠悠至今付之無可究詰也然而鬼籙既登血  
屬亦盡敲比已窮株連無所勢不得不祈恩  
皇上俯允豁除以示

浩蕩之仁蓋不有嚴追則邊鎮之雀鼠不悚量有獨  
宥庶窮微之雞犬無驚該督撫按臣之苦心此  
一案也蓋計盡法窮當亦

聖明之所矜許也相應如按臣所請將已追完過銀  
七百五兩糧料七千一百一十餘石草二十六  
萬三千八百六十餘束布四十三疋并家屬代  
追未完銀四千四百四十兩七錢糧料一萬五  
千四百八十二石草六十三萬五千八百餘束  
布五十五疋勒限追完同已完者扣作該鎮年  
例報部查考其年遠故絕無可代追前項所開  
銀糧草布煤炒欠數應准豁免至於支放過天  
啟六年以前銀糧料草失悞掛號未經開銷者

尚在見存項下准於今次閱視冊內開銷務求  
清楚不得仍前聽其沉埋逋負斯積案可結而  
仁威並著矣恭候

命下臣部移文各該撫按一體遵奉施行

崇禎六年三月初四日具

題本月初七日奉

聖旨邊鎮錢糧一任婪奸侵浥殊可痛恨內年遠故  
絕的姑准豁免其代追未完的着該撫按勒限嚴  
追并已完的俱照數扣抵年例仍報部查考見存

項下藉口失悞掛號的還行閱視按臣詳加勘核  
不得輕徇朦混開銷欽此

覆陝西道臣王振奇條陳兵荒疏

題爲敬循職掌在秦言秦懇乞

聖明鑒察以存邊腹子遺以壯西北神氣事陝西清  
吏司案呈崇禎五年十二月二十五日奉本部  
送戶科抄出陝西按察司清軍驛傳道兼理糧  
斛屯鹽水利按察使王振奇奏前事內開臣生  
有赤心少無媚骨自分守關西而邊道郵傳五  
載於茲矣中間兩年征剿踣於血雨腥風刀  
山劍林中馬上爲家荼毒萬狀屢戰捷功節經

督撫按臣塘報臣不敢自叙惟是目繫利害身  
嘗肯綮關臣職掌并關地方安危者謹據實爲  
皇上陳之一裁站之宜復秦中原議站價數少近加  
徵調絡繹重困難支則裁扣之議乞賜議罷一  
貢夷之宜嚴貢夷每年一次限以人數損數委  
押夷序班統之防騷擾也邇來押夷官居爲奇  
貨一運分爲十數運每運輒百餘夷人數百損  
擡沿途貨物媒利到處任意淹留儘其供億需  
索稍不如意鼓譟抄掠莫敢誰何此害中河南



陝西爲甚限數之法望

勅禮部申飭之也屯兵以養軍衛民近奉

旨清屯原任西安府推官吏可法查出西安各衛隱  
屯幾萬石矣臣與布按都三司挑選壯丁練成一  
旅但此兵未經虜戰分隸各營未歸統總得一  
勇謀邊將總其權訓練以清出隱屯供製器  
買馬草料之需另換一番做手收一番實效毋  
令弁流漁獵之也鹽法課虧引滯則私鹽之禁  
未得其術莫若當各縣發引之初卽以領繳年

海表卷一  
五十五  
月日期實填引內而鹽運司廳發鹽之時亦以  
鹽斤實數年月日期實填引內卽移會各州縣  
以便稽查催接違期卽以私鹽罪之坐以鹽課  
其何說焉此行之夙翔而有效者望

皇上勅鹽臣嚴飭之也固原兵馬萬有三千零年需  
月餉十餘萬而延慶平三府各五六萬數連年  
殘破至極平郡尚解十之一二延慶則分文未  
解迄今驚魂未定尚不敢議開徵見缺餉八閱  
月及今不繼恐戊辰冬之變未可測也則延慶

平缺少之數望

皇上勅戶部酌議之也至三邊兵馬與文武諸臣荷  
戈受罪當寬一面以示霜雪後之雨露道臣張  
允登郭應響竟櫻賊鋒已經前按臣特疏表章  
應破格褒旌等因崇禎五年十二月二十三日  
奉

聖旨該部看議具覆欽此欽遵抄出到部送司查得  
裁站宜復貢夷宜嚴清查三邊兵馬與文武諸  
臣荷戈受罪道臣張允登郭應響褒旌等項係

禮兵二部具覆所有查出隱屯以供製器買馬  
草料之需鹽法以領繳年月日期爲限延慶平  
三府錢糧未解相應本部議覆案查崇禎五年  
正月內該本部覆陝西巡撫練國事題爲恭報  
查出四衛隱漏屯糧用佐軍需事內開西安等  
四衛除常徵外通共查出隱漏屯糧共七千二  
百九十八石五斗六升以崇禎四年起徵專備  
征剿之用題奉

以依通行欽遵在案又鹽法隸山東司掌行移付查

覈去後隨准付覆到司合行併覆案呈到部該  
臣等看得

國家寓軍政於衛所不煩召募寓兵餉於屯鹽無  
需搜括簡練清查存乎其人卽有災祲不繼而  
裒益酌濟自可權宜無譁者道臣王振奇久歷  
秦地備閱兵荒就其職掌所關抒爲條畫如所  
稱查隱屯核鹽引議欠餉皆利病鑿鑿切實可  
行所當急爲謀求者臣部見行事例凡故絕軍  
屯起科解充新餉西安四衛查出隱漏屯糧七

千二百餘石該撫題留征剿臣部覆奉

明旨自四年爲始權留剿賊今道臣所云推官吏可  
法清屯近萬石當卽指此又或續有查出者耳  
道臣旣與布按都臣挑選壯丁練成一旅欲長  
留此項爲繕甲市駿芻秣之需雖不盡關臣部  
事然以秦中之隱屯供秦中之士馬壯秦中之  
聲援固無容固爲爭執者但在撫按道將留心  
稽核勿使任怨清查又資猾弁之影射也凡行  
鹽地方引少鹽貴則民苦淡食引積課虧則官

苦考成總私鹽之爲累耳然無引徑行之私鹽  
官猶可問而借引照行之私鹽法無可施不得  
不與發引發鹽源頭立一互相照會之法應如  
道臣議該州縣給引卽以領繳年月日實填引  
內該運司發鹽亦以鹽斤起運月日實填引內  
移會行鹽州縣銷引過期鹽斤逾數者得執私  
鹽之法以問之庶奸商不得借空白之引爲私  
鹽護身之符而引疏課裕公私至便計也固原  
鎮歲需民運十餘萬生派延慶平近六萬兩道

臣疏稱連年殘破平郡尚解十分之一延慶則全未起解缺餉八月脫巾委屬可慮查臣部歲解固原鎮年例銀一十四萬五千八百二十三兩九錢零又下馬關年例銀四萬兩除按期解發勢不能於此外別有點金之術唯有將解到銀兩酌量衝緩覓在分給其前此積壓累月近題帶補之例或取諸空月節曠不足則取諸權宜鼓鑄如該道開局半年輒生息千六百金以抵年例試之有效何憚而不爲俟延慶平今歲



秋成哀鴻既集開徵有緒然後挨補接支期於  
不逾額餉而止要在督撫諸臣論輯有方而  
部應解京運無致愆期斯可調停無事矣既經  
該道條奏前來相應覆

請恭候

命下臣部移會該省撫按鹽臣及管餉衙門遵奉施  
行

崇禎六年三月初七日具

題本月十一日奉

聖旨依議欽此

陝西司卷四終